

Sura - Takarda Kì-Naan - Protection Scriptures

Ezekiyel 3:18 - Jemis 5:19,20 Dyemnaa mo, katdang memee ndighìn wun taa mer ndighìn ar dì ni a mu zeen ni, be ni ret ku memee fuu mo fwang wuri baaj`i kì-wuri dì, ndighìn ar dì ni a mu zeen ni. 20 Ni ret ku wu man nee, koo a weye, dì wuri baaj`i kì-mee ngushikbish ndighìn ar ni, be ngo mìnì bam seen kì-ngushikbish ni ndighìn muut, kì-zak, be ngo mìnì le ku Naan wurin nfwo shikbish dì mo des ngwar ni.

Rom 12:21 Taji wu yit ku mbii diibish mo se koghorong ncaa wun kas, amma wu dee a koghorong ncaa mbii diibish ni mo shi c`in mbii diiret mo.

Zabura 143:8,10 - Joon 14:26 Amma Ngubam, dì wuri a Riin Diibang, dì puun wurin nlop wuri j`i ndighìn sum fina, wurin nkám mbii mo nwun jir, kì-wurin nle ku wu pan mbii dì wan kin ten nsat mo nwun jir zak.

Zabura 94:12 - Joon 16:13 Amma katdang Riin dì azeen wurin nj`i wul, be wurin nkám zeen ni nwun ncaa mbii mo jir. Ba wurin nsatpo a shi iiko firi kas, amma mbii dì wuri killing pu puun, be wurin nsat a mo nwun jir. Ki-wurin nwoo nwun mbii dì mon ndung j`i zak.

Sumpo 27:12 - 1 Korinti 10:13 Ba mee jwaan dì nin nkat wun dì kas, see a dì nin nkat kaghar gurum mo jir zak. Naan wuri a nguzeen, ba wurin nyit ku mee jwaan kat wun, dì nin mmet mbal fuu kas. Amma a shi jwaan ni, be wurin nle ar put ni di zak, mpeku wu mak gung jwaan ni dì.

Filipi 2:16 Kaadi wuu satpo diiret mu seen ni mo si. Katdang wu c`in aasi, be wan nkatpee mpee canjagham shi wun parpuus kì-Kristi. Mpeedi parpuus mìnì, be nin ndee agaak nee, dak dì jí wan kin c`in ni, ba ni a buu kas.

Aizaya 49:4 - Galati 4:11 Amma wu cín kírmuut nwan, taji dak dì gyet wan c`in pe wun, ni yaghal dee a diibuu.

Hiburu 13:21 Wuri gam wun kì-koo a dak diiret diidang ye, mpeku wu c`in dyen firi dì ndighìn tong fuu mo, ndighìn sum kì-Jesu Kristi. Diides a mu wuri har ngaa-ngaa. Amin.

1 Korinti 16:15 Wu man nee, gyet a nyemtulu kì-Stifenas mo a nyem dì gyet mo shee cínzeen ndighìn nyil Akaya, kì-mo cín sut furu mo mpee c`in dak dì mo bam nyem kì-Naan mo dì zak. Wan kin dang pu wun dyemnaa fina mo.

Filipi 1:27 Ni a ting ku wu mwaan a ndighìn mbii dì po diiret kì-Kristi ni sat ne wu c`in mo. Mpeku koo dì wan nj`i naa wun, koo dì ba wan nkatpee baaj`i naa wun kas, be wan killing ne, wuu dar dì bal-bal, kì-po fuu mo dee a diimindong, kì-pan fuu mo dee a diimindong zak. Mpeku wu c`in lek dì ashak, mpee po diiret, di wuu cínzeen ni.

1 Korinti 15:58 Mpeemini dyemnaa mo, wu dar bal-bal. Taji wu le ku mee mbii tup wun kas. Amma wu sat a nc`in dak mu Daa shidaar-shidaar, mpeedi wu man nee, koo a dak diidang ye dì wuu c`in ni mpee Daa, be ba nin nkyam

dee a mbii diibuu kas, koo diben.

Kolosi 4:12 Abafaras di wuri a ndighin wun, wurii tok ki-wun. Abafaras wuri a kirom ki-Jesu Kristi. Wurii c'in aduwa mpee wun shidaar-shidaar. Wurii dang pu Naan, mpeku wu dar di bal-bal, ndighin mbii di mo a mu Naan, mpeku wu man mbii di moo ret di nNaan nyit. Ki-zak, mpeku wu killing doo firri di, ndighin mbii mo jir.

Jeremiya 15:20 - Rom 8:31 Mun nsat a me, diki-nkaa mbii diisi mo zak ye?
Katdang Naan wuri di ashak ki-mun, be a we mmak c'in nlek ki-mun ye?

Jeremiya 15:21 - Matiyu 6:13 Taji a yit ku mu so, a peedi mon njwaan mun di kas. Amma a bam mun nsar ki-Shetan.

Zabura 55:18 - 1 Joon 4:4 Jep fina diidween mo, wun a mu Naan, wun ki-se koghorong nkaa riin di mo kwar Jesu Kristi, mpeedi Riin ki-Naan di ni ndighin wun, ni bal met nriin di mo kwar Jesu Kristi, di mo di ndighin yil ni.

Ezekiyel 30:24 - Luk 1:51 Naan wurii c'in dak diinan-nan mo shi sar firri, ki-wurii tiit nyemroghop mo, ki-pan di mo ndighin putughup furu mo.

Sughun 3:18 Wan kin satpo nwugha nee, a seet zinariya pe wan di, zinariya diiret, mpeku a dee di a ngulong. A seet lee diipyaa mo pe wan di, mpeku a paa sak fugha ni di. A j'i a seet yen mu yit zak, mpeku a le di nyit fugha mo, mpeku a naapee di.

1 Joon 3:17 Amma katdang mee gwar ki-long mu yil diisi, dangbe gwar mini naa mee dyemnighin mbut njeel, amma wuri kwar bam ngujeel ni. Be c'in arang dang mun nsat nee, wal ki-Naan ki-tong ndighin putughup ki-ngulong mini ye?

Aizaya 50:4 - Luk 21:15 Mpeedi a wan ncín po ni, ki-seen ni nwun, di ba shaarlek fuu mon kat bal di mon ndar di kas, koo mo ciipo ki-ni kas zak.

Afisus 6:10-12 Peekyes ni, wu dar bal-bal ndighin Daa ki-ndighin iiko mu diides firri. 11 Wu jwal leeplek di Naan wuri cín mo nwun jir, mpeku wu mak dar di bal-bal nkaa Shetan ki-numpee firri. 12 Mpeedi ba muu c'in lek ni a nkaa gurum mo, di moo nan ki-toghom kas, amma ni a nkaa mulki, ki-nyem iiko di mo a mu Shetan mo, ki-nkaa mulki ki-nyem peenkoo din ndighin dengnaan mo.

Zabura 18:39 - 1 Korinti 15:25 Mpeedi ting Kristi wurin nc'in mulki ni har parpuus di Naan wurin nle shaarlek ki-Jesu mo dee nder shii firri.

2 Samuwel 22:40 - Kolosi 1:11 Muu c'in aduwa nee, Naan di wuri bal met jir, wurin ncínbal nwun, mpeku wu dar di bal-bal ndighin mbii mo jir. Ki-zak, koo di a me c'in ye, be wu sat a ngung di dak, ki-wu kat retnyit di zak.

Zabura 89:43 - Afisus 6:13,14 Mpeemini, be wu jwal leeplek di Naan wuri ncín wun, mpeku wu dar di bal-bal ndighin teer diibish mo. Mpeku taji Shetan wuri se koghorong nkaa wun kas. 14 Wu dar bal-bal shi dak suk, ki-bwaghat bwoon fuu mo shi zeen, ki-c'in mbii din ndire mo, kaa kawung di nii fwang tughur ngurum si.

Ezekiyel 13:6 - Maak 13:22 Mpeedi nyem di mon nc'in dung, ne wudun a Kristi, ki-nyem di mo lesut a kaa nyemsatpo Naan mo si, amma mo a nyemdung

mo, mon nj`i put des. Mon nc`in mbii aapo mo des, ki-mbii lukshik mo zak. Mpeku katdang ni mak c`in, be mo num nyem di Naan wuri kì-ten biliip mo di.

1 Korinti 14:8 Ki-zak, katdang ba ngutaa feer wuri taa doo ni riret kas, be cirang dang gurum mon dak sut mpee lek ye?

Luk 10:19 Wu naa, wan kin cín iiko nwun, mpeku wu tieng nw`oo mo ki-dighir mo, ki-bal nkaa shaarlek mo jir zak, ba mon mmak c`in mee mbii nwun, koo mo lejeel nwun kas, koo diben.

2 Korinti 7:10 Mpeedi kiyet kì-putughup díiwuwat dí a Naan le, nii j`i ki-tuwap, ki-nii j`i ki-kat bam zak. Ba nii le ku gurum mak sat nee, "katdang dín man oo!" kas. Amma putughup díiwuwat mu yil díisi, minii ki-j`i aa muut.

2 Timoti 2:25,26 Ndighin pudok, be wuri kar nyem beetshik mo. Meebe, Naan wurin ncighir ki-mo, ku mo tuwap, mpeku mo man zeen ni dí. 26 Mpeku mo put dí ki-káa furu aku mbut cip mu Shetan, dí wuri kì-yak mo ku mo c`in dyen firi dí.

Nehemia 4:15 - Dak 5:38 Yaksi wan sat nwun, taji wu c`in mee mbii ndas díisi mo kas. Wu yit mo mmusut. Mpeedi katdang po dí moo kám ngurum mo, ki-dak dí moo c`in ni a mu mísé mu gurum, be nin nyaghala a díibuu.

Zabura 73:24 - Jemis 1:5 Katdang mee ngo ndighin wun dí ba wuri ki-seen kas, be wu yit ku gwar mìn dang pu Naan, mpeku Naan cín seen dí nwuri. Naan wurii zughum zam, wuri naa ncín mbii ngurum mo jir, ba wurii kyakpo mpee cín mbii ngurum mo kas. Naan wurin ncín seen nkoo weye dí mo dang pu wuri.

Jeremiya 1:18 - as a defenced city, and an iron pillar, and brasen walls against evil

Zabura 76:3 - God break weapons & battle

Jeremiya 6:27 - as a tower & fortress

Livai 26:19 - God break the pride of your power; & make heaven as iron, & earth as brass:

Livai 26:37 - no power to stand in battle

Deuteronomy 23:5 God turn curse into blessing

2 Mishkaghram 19:34 God defend

Joob 15:24 ready to battle

1 Kronika 12:8 fit for battle

1 Kronika 12:33,38 expert in war, keep rank in battle.